

Inatsisartut aaliangiiffigisassaattut siunnersuut Naalakkersuisut peqquneqarnissaat Naalagaaffiup akisussaasuinut atassuteqartoqarnissaannik Kalaallit Nunaanni Pinerluttulerinermut inatsimmi paragraffinik ikkussisoqassasoq, nittartakkatigut atornerluinerup inatsisitigut unioqqutitsinertut isigineqaarnissaanut. Atassuteqarneq UPA 2022 pinnginnerani pisimassaaq.

(Inatsisartunut ilaasortaq Anna Wagenheim, Demokraatit).

Akissuteqaat

(Ineqarnermut, Attaveqatigiinnermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq

Aappassaaneerneqarnera

Inatsisartut aalajangiiffigisassaattut siunnersuutip matuma peqqissaartumik suliaqarsimaneranut Inatsisinut Ataatsimiititaliaq Naalakkersuisut qujaffigiumavaat.

Naapertuilluanngitsuliornerit suugaluartulluunniit akuerineqanngilluinnarnissaat Naalakkersuisunut pingaaruteqarmat, digitalikkut grooming pillugu pinerluttulerinermi inatsimmi aalajangersakkamik eqqussisoqarnissaa pillugu Naalakkersuisut justitsministerimut attaveqassapput.

Saqqummiunneqartut siunnersuut ataatsimiititaliamit isumaqatigiissumit akuerineqarmat Naalakkersuisut nuannaarutigaat.

Taama oqaaseqarlutik allamillu oqaaseqaateqaratik Naalakkersuisut siunnersuut aappassaaneerneqarnissaanut tunniuppaat.

